

Taman Eko Rimba mula dibuka kepada pengunjung

SEREMBAN - Semua kawasan Taman Eko Rimba, Taman Negeri, laluan pendakian dan aktiviti bagi tujuan rekreasi dan trekking di Hutan Simpanan Kekal Negeri Sembilan kembali dibuka kepada pengunjung awam bermula pada Sabtu.

Bagaimanapun Pengarah Jabatan Perhutanan Negeri, Saleh Awaluddin berkata, semua aktiviti adalah tertakluk kepada prosedur operasi standard

(SOP) yang ditetapkan oleh Majlis Keselamatan Negara (MKN).

"Kita telah membuka kembali semua Taman Eko Rimba dan Taman Negeri selari dengan PKPB, bagaimanapun semua aktiviti perlu mematuhi SOP yang ditetapkan," katanya melalui kenyataan di laman sosial di sini pada Ahad.

Sebelum ini, semua kawasan Hutan Lipur, Taman Negeri, laluan pen-

dakian dan aktiviti bagi tujuan rekreasi, trekking, pacuan empat roda dan sebagainya di Hutan Simpanan Kekal di Negeri Sembilan adalah tidak dibenarkan dan ditutup sepanjang tempoh Perintah Kawalan Pergerakan (PKP) ini.

Keputusan itu dibuat selaras arahan MKN melalui Akta Pencegahan dan Pengawalan Penyakit 1988 bagi membendung penularan Covid-19 di negara ini.



Saleh (tengah) semasa membuat tinjauan di Gunung Datuk, Rembau pada Sabtu.